

ZAKON
O IZMJENAMA I DOPUNAMA ZAKONA O PRAVOBRANILAŠTVU

Tuzla, oktobar 2017. godine

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko- podrinjskog kantona”, br. 7/97 i 3/99 i “Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____, donosi

ZAKON O IZMJENAMA I DOPUNAMA ZAKONA O PRAVOBRANILAŠTVU

Član 1.

U Zakonu o pravobranilaštvu (“Službene novine Tuzlanskog kantona“, br. 4/04, 5/08 i 2/14) u članu 1. stavu (1) iza riječi “odnosno” dodaju se riječi “grada i”.

Stav 3. istog člana mijenja se i glasi :

“Pravnu zaštitu imovine i imovinskih interesa grada i općine obavlja gradsko, odnosno općinsko pravobranilaštvo koje odlukom, osniva gradsko, odnosno općinsko vijeće, ukoliko obavljanje ovih poslova ne povjeri Kantonalnom pravobranilaštvu.”

Član 2.

U članu 3. u stavu (1) iza riječi “Kantonalni” dodaje se zarez i riječ “gradski”, a iza riječi “vlasništvu Kantona,” dodaje se riječ “grada”.

Član 3.

U članu 6. stav (2) mijenja se i glasi:

“Gradsko odnosno općinsko pravobranilaštvo ima pečat u skladu sa odlukom gradskog odnosno općinskog vijeća.”

U stavu (3) u zadnjem redu iza riječi “odnosno” dodaju se riječi “grada ili”.

Član 4.

U članu 8. dodaju se novi stavovi (1) i (2) koji glase:

“Gradsko pravobranilaštvo obavlja poslove pravne zaštite imovine i imovinskih interesa grada i gradskih organa.”

“Gradsko pravobranilaštvo obavlja poslove pravne zaštite imovine i imovinskih interesa pravnih osoba koje osniva grad, ako je to aktom o osnivanju predviđeno.”

Dosadašnji stavovi (1) i (2) postaju (3) i (4).

Član 5.

U članu 9. u stavu (1) iza riječi “Kanton,” dodaje se riječ “grad”, a iza riječi “Vlada Kantona,” dodaje se riječ “gradsko”.

U stavu (3) istog člana iza riječi “Kanton,” dodaje se riječ “grad”, a iza riječi “Kantona,” dodaje se riječ “gradonačelnik”.

Član 6.

U članu 11. u stavu (1) iza riječi “Kantona,” dodaje se riječ “grada”.

Član 7.

U članu 12. u stavu (1) u drugom redu iza riječi “Kanton,” dodaje se riječ “grad”, a u trećem redu iza riječi “Kanton,” dodaje se riječ “grad”.

U stavu (2) istog člana iza riječi “Kanton,” dodaje se riječ “grad”.

Član 8.

U članu 13. u stavu (1) iza teksta “zamjenika kantonalnog pravobranioca,” dodaje se tekst “gradskog pravobranioca i zamjenika gradskog pravobranioca i zarez”.

U stavu (2) istog člana iza teksta “zamjenika kantonalnog pravobranioca,” dodaje se tekst “gradskog pravobranioca i zamjenika gradskog pravobranioca i zarez”.

U stavu (4) istog člana iza riječi “zamjenika” dodaju se riječi “gradskog i”, iza riječi “odlučuje” dodaje se riječ “gradski”, iza riječi “izuzeću” dodaju se riječi “gradskog i”, a iza riječi “pravobranioca” dodaju se riječi “gradsko odnosno”.

Član 9.

U članu 14. u stavu (1) iza riječi “Kantona,” dodaje se riječ “grada”.

Član 10.

U članu 17. u stavu (1) iza riječi “daje” dodaju se riječi “gradskim i”.

Član 11.

U članu 18. u stavu (1) iza riječi “Kantonalno” dodaje se zarez i riječ “gradsko”.

U stavu (2) istog člana iza riječi “Kantonalno” dodaje se zarez i riječ “gradsko”, iza riječi “kantonalnih” dodaje se zarez i riječ “gradskih”, a iza riječi “kantonalnog” dodaje se zarez i riječ “gradskog”.

Član 12.

U članu 22. stav (3) mijenja se i glasi:

“U slučaju da pozicija kantonalnog pravobranioca ostane upražnjena, Vlada Kantona imenuje vršioca dužnosti kantonalnog pravobranioca iz reda zamjenika kantonalnog pravobranioca, na prijedlog ministra, ali najduže na period od 6 mjeseci.”.

U istom članu stav (4) briše se.

Član 13.

U poglavlju II podnaslov “3. Organizacija općinskog pravobranilaštva” mijenja se i glasi: “3. Organizacija gradskog i općinskog pravobranilaštva”.

Član 14.

Član 37. mijenja se i glasi:

“Član 37.

Gradsko i općinsko pravobranilaštvo osniva se odlukom gradskog odnosno općinskog vijeća. Dva ili više gradskih ili općinskih vijeća mogu odlukama osnovati zajedničko pravobranilaštvo.

Odlukom iz stava 2. ovog člana utvrđuje se naročito: sjedište pravobranilaštva, način osiguranja sredstava za njegov rad, broj zamjenika gradskog, odnosno općinskog pravobranioca i dan početka rada.

Ako je osnovano zajedničko pravobranilaštvo, odredbe ovog Zakona shodno se primjenjuju i na to pravobranilaštvo.

Gradsko odnosno općinsko vijeće može odlučiti da vršenje poslova pravobranilaštva povjeri Kantonalnom pravobranilaštvu uz predhodno pribavljenu saglasnost tog pravobranilaštva i Vlade Kantona.”.

Član 15.

Član 38. mijenja se i glasi:

“Član 38.

Funkciju gradskog i općinskog pravobranilaštva obavlja gradski odnosno općinski pravobranilac i zamjenik gradskog odnosno općinskog pravobranioca.

Broj zamjenika gradskog i općinskog pravobranioca utvrđuje se odlukom o osnivanju gradskog i općinskog pravobranilaštva.

Gradskog i općinskog pravobranioca i zamjenika gradskog i općinskog pravobranioca imenuje gradsko odnosno općinsko vijeće na način i u postupku određenom za kantonalnog pravobranioca i zamjenika kantonalnog pravobranioca, a na prijedlog gradonačelnika odnosno općinskog načelnika.

U pogledu dužine trajanja mandata i razloga za razrješenje, na gradskog i općinskog pravobranioca i zamjenika gradskog odnosno općinskog pravobranioca primjenjuju se odredbe ovog zakona, kojima su ova pitanja uređena za kantonalnog pravobranioca i zamjenika kantonalnog pravobranioca.

Odluku o razrješenju gradskog i općinskog pravobranioca odnosno zamjenika gradskog i općinskog pravobranioca, uz predhodno datu mogućnost da se izjasne o razlozima njihovog razrješenja, donosi gradsko odnosno općinsko vijeće, na prijedlog gradonačelnika odnosno općinskog načelnika.

Gradski i općinski pravobranilac i zamjenik gradskog i općinskog pravobranioca podnose ostavku gradskom odnosno općinskom vijeću.

Prije stupanja na dužnost gradski i općinski pravobranilac i zamjenik gradskog i općinskog pravobranioca daju svečanu izjavu pred gradskim odnosno općinskim vijećem.

Tekst svečane izjave glasi: “Izjavljujem da ću se u vršenju službe gradskog odnosno općinskog pravobranioca – zamjenika gradskog odnosno općinskog pravobranioca, pridržavati ustava i zakona i da ću službu obavljati savjesno.”

Gradski i općinski pravobranilac i zamjenik gradskog i općinskog pravobranioca ne mogu biti članovi niti obavljati poslove u organima stranke, političkim udruženjima ili fondacijama koje su povezane sa strankom, niti mogu biti uključeni u bilo kakvu političku ili stranačku aktivnost.

Bračni drugovi gradskog i općinskog pravobranioca, zamjenika gradskog i općinskog pravobranioca, stručnih saradnika, te srodnici po pravoj liniji i srodnici po pobočnoj liniji do drugog stepena ne mogu vršiti dužnost u gradskom odnosno općinskom pravobranilaštvu u kojem dužnost vrši gradski odnosno općinski pravobranilac, odnosno zamjenik gradskog i općinskog pravobranioca sa kojim su u srodstvu.”

Član 16.

U članu 39. u stavu (1) iza riječi “Za” dodaju se riječi “gradskog i”, a iza riječi “zamjenika” dodaju se riječi “gradskog i”.

Član 17.

U članu 39a. stav (1) mijenja se i glasi:

“Gradskom i općinskom pravobraniocu i zamjeniku gradskog i općinskog pravobranioca izdaje se službena legitimacija.”

U istom članu u stavu (2) iza riječi “osnivanju” dodaju se riječi “gradskog i”.

Član 18.

Član 39b. mijenja se i glasi :

“ U slučaju da pozicija gradskog odnosno općinskog pravobranioca ostane upražnjena, gradsko odnosno općinsko vijeće imenuje vršioca dužnosti gradskog odnosno općinskog pravobranioca, na prijedlog gradonačelnika odnosno općinskog načelnika, ali najduže na period od 6 mjeseci.

U slučaju da je gradski, odnosno općinski pravobranilac zbog vanrednih okolnosti spriječen da obavlja svoju funkciju, gradsko, odnosno općinsko vijeće može imenovati vršioca dužnosti gradskog, odnosno općinskog pravobranioca dok traju te okolnosti, na prijedlog gradonačelnika odnosno općinskog načelnika ali pod uslovom da nije popunjeno radno mjesto zamjenika gradskog, odnosno općinskog pravobranioca.

Osoba koja se imenuje za vršioca dužnosti gradskog, odnosno općinskog pravobranioca mora ispunjavati uslove za imenovanje gradskog, odnosno općinskog pravobranioca.”

Član 19.

Član 40. mijenja se i glasi:

“Član 40.

Odredbe ovog zakona kojima se uređuju status i prava i dužnosti kantonalnog pravobranioca i zamjenika kantonalnog pravobranioca shodno se primjenjuju i na gradskog i općinskog pravobranioca i zamjenika gradskog i općinskog pravobranioca izuzev prava iz člana 31. ovog zakona, koje se uređuje gradskim odnosno općinskim propisima.”

Član 20.

U članu 41. iza riječi “Kantona,” dodaje se riječ “grada”.

Član 21.

U članu 43. u stavu (2) iza riječi “Kantona,” dodaje se riječ “grada”.

Član 22.

Postupci za imenovanje gradskih i općinskih pravobranilaca i zamjenika gradskih i općinskih pravobranilaca koji su započeti prije stupanja na snagu ovog zakona, okončat će se po odredbama ranije važećeg zakona.

Član 23.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”.

Bosna i Hercegovina
Federacija Bosne i Hercegovine
TUZLANSKI KANTON
Skupština

Predsjedavajući
Skupštine Tuzlanskog kantona
Senad Alić, v.r.

Broj: _____
Tuzla, _____

Obrazloženje uz nacrt Zakona o izmjenama i dopunama Zakona o pravobranilaštvu

I PRAVNI OSNOV

Pravni osnov za donošenje Zakona o izmjenama i dopunama Zakona o pravobranilaštvu sadržan je u članu 24. stav 1. tačka c) Ustava Tuzlanskog kantona („Službene novine Tuzlansko – podrinjskog kantona“, br. 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04) kojim je utvrđeno da Skupština donosi zakone i ostale propise neophodne za izvršavanje nadležnosti Kantona.

II RAZLOZI ZA DONOŠENJE ZAKONA

Postojeći tekst Zakona o pravobranilaštvu („Službene novine Tuzlanskog kantona“, br. 4/04, 5/08 i 2/14) sadrži rješenja koja utiču ili bi mogla uticati na samostalnost u radu pravobranilaštva.

Izmjenama i dopunama Zakona o pravobranilaštvu predviđaju se kvalitetnija rješenja za pojedine situacije, a takođe je uočeno da su pojedine odredbe postojećeg teksta Zakona o pravobranilaštvu u koliziji sa drugim odredbama, te je ujedno potrebno otkloniti i te nedostatke.

Takođe, potrebne su izmjene u smislu uvrštavanja gradskog pravobranilaštva u ovaj Zakon, obzirom da je Općina Tuzla promijenila status u Grad Tuzla, a što do sada nije učinjeno.

U skladu sa članom 128. Poslovnika Skupštine Tuzlanskog kantona – drugi prečišćeni tekst („Službene novine Tuzlanskog kantona“, br. 4/12, 3/13, 10/13, 15/13 i 2/14), a imajući u vidu da se radi o složenom zakonu, te da se isti bavi pitanjima koja su od posebnog značaja za jedinice lokalne samouprave, kao i da je sa istim potrebno izvršiti šire konsultacije, predlažemo da se ovaj Zakon razmatra u formi nacrt, te da se o istom otvori javna rasprava.

III OBRAZLOŽENJE PRAVNIH RJEŠENJA

U članu 1. do člana 11. nacrt, Zakona o izmjenama i dopunama Zakona o pravobranilaštvu predložene izmjene se odnose na član 1. stav (1) i (3); člana 3. stav (1) i (2); člana 6. stav (2) i (3); člana 8. stav (1) i (2); člana 9. stav (1) i (3); člana 11 stav (1); člana 12. stav (1) i (2); člana 13 stav (1) , (2) i (3); člana 14. stav (1); člana 17. stav (1); člana 18. stav (1) i (2) Zakona o pravobranilaštvu.

Naime, odredbama navedenih članova Zakona o pravobranilaštvu propisuju se opće odredbe, djelokrug rada i organizaciju kantonalnog i općinskog pravobranilaštva. Kako je članom 8. stav (3) Zakona o gradu Tuzla („Službene novine Federacije BiH“ broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo svoj rad kao gradsko pravobranilaštvo, u Zakon o pravobranilaštvu neophodno je, općim odredbama, te odredbama koje regulišu pitanje djelokruga rada i organizacije, obuhvatiti i gradsko pravobranilaštvo.

U članu 12. nacrt, Zakona o izmjenama i dopunama Zakona o pravobranilaštvu predložena je izmjena člana 22. stava (3) i (4) Zakona o pravobranilaštvu.

Naime, odredbama člana 22. stav (3) i (4) Zakona je predviđeno da će, u slučaju da pozicija kantonalnog pravobranioca ostane upražnjena, Vlada Kantona imenovati vršioca dužnosti

kantonalnog pravobranioca i da osoba koja se imenuje za vršioca dužnosti mora ispunjavati uslove za imenovanje kantonalnog pravobranioca propisane ovim zakonom.

Obzirom da se radi o imenovanju vršioca dužnosti koji bi ovu dužnost obavljao samo privremeno, ovakve odredbe ostavljaju mogućnost da se za vršioca dužnosti kantonalnog pravobranioca imenuje i osoba koja ne radi u Kantonalnom pravobranilaštvu, odnosno kojoj nisu poznati organizacija i rad pravobranilaštva, te je zbog održavanja kontinuiteta u organizaciji i radu pravobranilaštva i značaja poslova koje obavlja kantonalni pravobranilac, jedino opravdano da se na ovu dužnost u pomenutom slučaju, imenuje osoba koja već radi u Kantonalnom pravobranilaštvu, odnosno jedan od zamjenika kantonalnog pravobranioca.

U članu 13. nacrta Zakona o izmjenama i dopunama Zakona o pravobranilaštvu predložena izmjena se odnosi na naziv Poglavlja II podnaslov 3. Zakona o pravobranilaštvu.

Poglavlje II podnaslov 3. Organizacija općinskog pravobranilaštva Zakona o pravobranilaštvu propisuju organizaciju općinskog pravobranilaštva. Kako je članom 8. stav (3) Zakona o gradu Tuzla ("Službene novine Federacije BiH" broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo svoj rad kao gradsko pravobranilaštvo, u Zakon o pravobranilaštvu neophodno je u poglavlju koje reguliše pitanja organizacije općinskog pravobranilaštva obuhvatiti i organizaciju gradskog pravobranilaštva.

U članu 14. nacrta Zakona o izmjenama i dopunama Zakona o pravobranilaštvu predložena izmjena se odnosi na izmjenju člana 37. Zakona o pravobranilaštvu.

Članom 37. Zakona o pravobranilaštvu propisano je ko utemeljuje općinsko pravobranilaštvo, te način osnivanja zajedničkog pravobranilaštva i mogućnost povjerenje vršenja poslova Kantonalnom pravobranilaštvu. Članom 8. stav (3) Zakona o gradu Tuzla ("Službene novine Federacije BiH" broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo svoj rad kao gradsko pravobranilaštvo. Imajući u vidu navedeno, neophodno je izmijeniti član 37. Zakona o pravobranilaštvu na način da istim bude propisan i način utemeljenja gradskog pravobranilaštva i mogućnost povjerenje poslova Kantonalnom pravobranilaštvu.

U članu 15. nacrta Zakona o izmjenama i dopunama Zakona o pravobranilaštvu predložena izmjena se odnosi na član 38. Zakona o pravobranilaštvu.

Naime, članom 38. Zakona o pravobranilaštvu je utvrđeno između ostalog, da općinskog pravobranioca i zamjenika općinskog pravobranioca imenuje i razrješava općinski načelnik, da općinski pravobranilac i zamjenik općinskog pravobranioca podnose ostavku općinskom načelniku i svečanu izjavu daju pred općinskim načelnikom.

Na ovaj način sva ovlaštenja u pogledu imenovanja, razrješavanja i prihvatanja ostavke općinskog pravobranioca i zamjenika općinskog pravobranioca su skoncentrisana u rukama jedne osobe, što stvara mogućnost za vršenje pristiska i uticaja na rad pravobranioca, te značajno utiče na samostalnost i zakonit rad općinskog pravobranilaštva. Istina je da na državnom, federalnom i kantonalmom nivou pravobranioca i zamjenika pravobranioca imenuje vlada kao nosilac izvršne vlasti, ali se radi o kolektivnom organu, te je mogućnost uticaja na rad pravobranilaštva značajno manja.

Zbog svega navedenog neophodno je odredbe člana 38. Zakona o pravobranilaštvu izmijeniti na način da općinskog pravobranioca i zamjenika općinskog pravobranioca imenuje i razrješava općinsko vijeće, koje odlučuje i o njihovoj ostavci.

Osim navedenog članom 38. propisuje se obavljanje funkcije općinskog pravobranioca, broj zamjenika općinskog pravobranioca, polaganje zakletve i druge odredbe, a kako je članom 8.

stav (3) Zakona o gradu Tuzla ("Službene novine Federacije BiH" broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo svoj rad kao gradsko pravobranilaštvo, neophodno je odredbama člana 38. obuhvatiti i gradsko pravobranilaštvo.

Članom 16. i članom 17. nacrta Zakona o pravobranilaštvu odnosi se na izmjenu člana 39. i člana 39a Zakona o pravobranilaštvu.

Naime navedene odredbe prpisuju uslove za imenovanje općinskog pravobranoca i službenu legitimaciju koja se izdaje općinskom pravobranioocu. Kako je članom 8. stav (3) Zakona o gradu Tuzla ("Službene novine Federacije BiH" broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo svoj rad kao gradsko pravobranilaštvo, neophodno je propisati iste odredbe i za gradskog pravobraniooca.

Članom 18. nacrta Zakona o izmjenama i dopunama Zakona o pravobranilaštvu predložena je izmjena člana 39b. kojim je utvrđeno da u slučaju da je općinski pravobranilac zbog vanrednih okolnosti spriječen da obavlja svoju funkciju, općinski načelnik može imenovati vršioca dužnosti općinskog pravobraniooca dok traju te okolnosti, a da osoba koja se imenuje za vršioca dužnosti mora ispunjavati uslove za imenovanje općinskog pravobraniooca.

Stoga su odredbe člana 39b. Zakona izmijenjene na način da vršioca dužnosti gradskog, odnosno općinskog pravobraniooca imenuje gradsko, odnosno općinsko vijeće ako je ta pozicija upražnjena, najduže na period od 6 mjeseci, kao i da gradsko, odnosno općinsko vijeće imenuje vršioca dužnosti gradskog odnosno općinskog pravobraniooca u slučaju kad je isti spriječen da obavlja svoju funkciju, ali pod uslovom da nije popunjeno radno mjesto zamjenika gradskog, odnosno općinskog pravobraniooca..

Takođe, ostavljena je mogućnost da se za vršioca dužnosti može imenovati osoba koja nije zamjenik općinskog, odnosno gradskog pravobraniooca, a iz razloga što u nekim općinama uopće nisu sistematizovana ili nisu popunjena radna mjesta zamjenika općinskog pravobraniooca, uz uslov da ispunjavaju uslove za imenovanje gradskog, odnosno općinskog pravobraniooca.

Članovi 19., 20. i 21. nacrta Zakona o pravobranilaštvu odnose se na izmjenu člana 40., 41. i 43. Zakona o pravobranilaštvu.

Navedenim članovima Zakona o pravobranilaštvu propisuje se shodna prijemna odredaba Zakona koje se odnose na Kantonalnog pravobraniooca na općinskog pravobraniooca, kao i sredstva za rad općinskog pravobraniooca. Kako je članom 8. stav (3) Zakona o gradu Tuzla ("Službene novine Federacije BiH" broj 80/14) propisano da općinski organi uprave i upravne organizacije, stručne i druge službe i drugi općinski organi, stupanjem na snagu ovog zakona nastavljaju sa radom kao i organi i službe Grada Tuzle, te je u skladu s tim općinsko pravobranilaštvo nastavilo je svoj rad kao gradsko pravobranilaštvo. Imajući u vidu navedeno neophodno je promjenom članova 19., 20. i 21. zakona o pravobranilaštvu obuhvatiti i gradsko pravobranilaštvo.

Članom 22. nacrta Zakona o izmjenama i dopunama Zakona o pravobranilaštvu utvrđuje se da postupci za imenovanje gradskih, odnosno općinskih pravobranilaca i zamjenika gradskih, odnosno općinskih pravobranilaca koji su započeti po ranije važećim odredbama Zakona o pravobranilaštvu se imaju okončati prema tim odredbama.

Članom 23. nacrta Zakona o izmjenama i dopunama Zakona o pravobranilaštvu, utvrđeno je stupanje na snagu zakona kao i objavljivanje u "Službenim novinama Tuzlanskog kantona".

IV FINANSIJSKA SREDSTVA ZA DONOŠENJE ZAKONA

Za provođenje ovog zakona nisu potrebna dodatna sredstva u Budžetu Tuzlanskog kantona, jer se nacrtom Zakona o izmjenama i dopunama Zakona o pravobranilaštvu samo koriguje tekst zakona i na kvalitetniji način regulišu određena pitanja, što ne stvara dodatno finansijsko opterećenje za Budžet Kantona, a što je iskazano u Izjavi o fiskalnoj procjeni (Obrazac IFP-NE) koja je sastavni dio ovog zakona. Takođe je potrebno napomenuti i da se nacrtom Zakona ne stvaraju nove finansijske obaveze za Grad Tuzlu i općine na području Tuzlanskog kantona.

Tuzla, oktobar 2017. godine

**OBRADIVAČ
MINISTARSTVO PRAVOSUĐA I UPRAVE
TUZLANSKOG KANTONA**